

LOMALAGI

se ko

DRANO BUKAWAQA



O Cei Vei Rau Ko Na Digitaka?

O lako tiko li e lomalagi se ki na drano buka waqa? Nai Vola Tabu e vakatavulica ni vakavuqa na tamata i valavala vinaka era gole tiko ena drano buka waqa se ki eli, na vuna baleta “Ni sai valavala ca ko ira kecega na tamata...” (Roma 3:23a) “Ni sa sega na tamata yalododonu e vuravura, sa caka vinaka tiko, ka sega ni caka cala.” (Na Dauvunau 7:20) Nai Vola Tabu e kaya, “...la na yalo ga sai valavala ca ena mate.” (Isikeli 18:4b) “Ni sa kenai sau ni valavala ca na mate...” (Roma 6:23a)

E rairai ko na vakataroga beka se cava ena yaco vei ira na tamata e ra mate ka ra mate kaya kei na nodrai valavala ca. Nai Vola Tabu e vakatavulica, “la me vaka sa lesi me mate vakadua ko ira na tamata, ka me qai muri na siga ni lewa.” (Iperiu 9:27) “la sa biu ki na drano buka waqa ko koya yadua sa sega ni volai e nai vola ni bula.” (Vakatakila 20:15)

E tiko li e dua nai nuinui? Io! Na Kalou e a tala mai na Luvena e dua bauga ko Jisu Karisito ki vuravura, me mai saumi kina na nomu i valavala ca. “Ni sa lomani ira na kai vuravura vakaoqo na Kalou, me solia kina na Luvena e dua bauga sa vakatubura, me kakua ni rusa ko ira yadua era sa vakabauti koya, me ra rawata ga na bula tawa mudu.” (Joni 3:16) “la na Kalou sa vakatakila na nona loloma vei keda, ni sa mate na Karisito me nodai sosomi ni da sa tamata ca.” (Roma 5:8)

Nai Vola Tabu e tukuna ni Kalou e gadreva me da vakabulai kecega. Na Kalou “...Sa sega ni vinakata me rusa e dua, me yacova ga na veivutuni ko ira kecega na tamata.” (2 Pita 3:9b) E kaya ko Jisu “...la ko koya ena lako mai vei au, au na sega sara ni biuta tani.” (Joni 6:37b) O gadreva li mo vakabulai? Nai Vola Tabu e vakatavulica e vica na veika e dodonu mo vakayacora me rawa kina mo vakabulai.

Taumada, e dodonu mo kila ni sa sega tale ni dua na ka e rawa mo cakava mo rawati lomalagi kina. “...Sa sega ga e na vuku ni cakacaka dodonu eda sa kitaka, e na vuku ga ni nona loloma...” (Taito 3:5b)

Ai karua, mo veivutunitaka na nomui valavala ca. “...Na Kalou...a sa vakarota e na gauna edaidai vei ira na tamata kecega e na veivanua kecega me ra veivutuni.” (Cakacaka 17:30) Na veivutuni sai koya na veisau ni yalo ka vakavuna na nomu tavuki vua na Kalou; ka yawaka mai na nomu i tovo ni bula makawa.

Ai katolu ni ka mo vakayacora, sai koya mo vakabauta “...Ni sa mate na Karisito e na vuku ni nodai valavala ca me vaka nai Vola Tabu: ni sa bulu talega ka ni sa tucake talega e nai katolu ni siga me vaka naiVola Tabu.” (I Kori.15:3b,4)

Nai otioti ni ka mo vakayacora sai koya mo ciqomi Karisito me nomui Vakabula. “la ko ira kecega sa vakabauti koya, sa solia vei ira ko koya me ra yaco rawa me ra luve ni Kalou, vei ira sa vakabauta na yacana.” (Joni 1:12) “Ni na bula ko ira vakaaduaga era sa masuta na yaca i Jiova” (Roma 10:13)

Na kena rawati na bula tawa mudu ena vakatautaki ga vei ira era na vakabauta duadua ga na nona cakacaka tauoko ko Jisu Karisito. “Ni sa loloma walega dou sa vakabulai kina e na vuku ni vakabauta; ia sa sega ni vuna koi kemudou; ai solisoli ga ni Kalou: sa segai e na vuku ni cakacaka, me kakua kina e dua me dokai koya.” (Efeso 2:8-9) Na gaunisala ni noda vakabulai e rawarawa sara! ia, e ka ni rarawa ni lewe levu era sega ni via vakabulai. E ra sega ni via ciqomi Jisu Karisito kina me vakabulai ira mai nai valavala ca kei na kena i sau. E ra bese ni vakadinata na kaukauwa ni nona

veivakbulai ko Jisu Karisito. E vakaevei o iko?

Lomalagi se ki na drano buka waqa- o cei vei rau ko na digitaka? E waraka na nomu digidigi ko Jisu Karisito. “O koya sa vakabauta na Luvena, sa rawata na bula tawa mudu: ko koya sa sega ni vakabauta na Luvena, ena sega ni raica na bula; a sa tiko ga vei koya na cudru ni Kalou.” (Joni 3:36)

E rawa li vei iko mo vakadinadinataka ni o tamata i valavala ca? O gadreva li mo vosoti ka me veisau na nomu bula? E rawa li mo vakayalomalumalutaki iko ka masu vua na Kalou e na gauna sara ga oqo; ka sureti Jisu Karisito me mai vakabulai iko? “Kevaka ko na vakatusa e na gusumu na Turaga ko Jisu, ka vakadinata e na vu ni yalomu ni sa vakaturi koya cake tale mai na mate na Kalou, ko na bula.” (Roma 10:9) “O koya oqo sa rawarawa kina vua me vakabulai ira sara era sa lako mai vua na Kalou e na vukuna, ni sa bula tikoga ko koya me masulaki ira.” (Iperiu 7:25)

Kevaka ko sa digitaka mo vakabauti Jisu Karisito me nomu i Vakabula ni oti na nomu wilika na tiki dua oqo, kerea mo na qai volavola mai ka vakaraitaka mai vei keitou.

Yacamu: _____

Na Nomu I Tikotiko (Kato ni Meli) _____

Koroturaga: _____ Vanua: _____

Yabaki Ni Bula: _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 7112 (Fijian)

All tracts free as the Lord provides. Not to be sold.